

後村先生大全集

四八

後村先生大全集卷之一百九十二

書判

江東臬司

建康府申已斷平亮等為宋四省身死事

若詳覆案皆先行遣而後關報則併格目皆自諸郡
出給可也提刑一司可以省罷矣此事雖施行於當
職未交事之先而申到實在於到司之後已往之事
不欲深言帖兩獄官今後除事干邊防及兇惡盜賊
當申制府帥司酌情處斷外其民間尋常鬪毆致死
已經檢驗書填格目者並合遵照條令申本司詳覆
如違定將獄官奏刻

太平府通判申追司理院承勘僧可諒身死推
吏事

設若詳覆公事皆自本州斷遣而後申照會則格目
亦就本州書填可也司理對移繁昌主簿牒通判將
推司決脊杖十五編管建康府以為不守三尺之戒
當職按饒州兼僉樂平趙主簿催苗重疊斷杖一事
縱是吏卒亦不當濕瘡上鞭撻况吏人之子乎又五
日而兩勘杖乎具析申據趙主簿具析到公狀奉判
人無貴賤身體髮膚受之父母一也先賢作縣令遣
一力助其子云此亦人之子也可善遇之主簿似未

知此樣意思只如三月二十七日斷杖四月初八日復決豈非濕瘡上再決乎似此催科傷朝廷之仁厚損主簿之陰陽當職以提點刑獄名官不得不諄諄告戒今後不宜如此

弋陽縣民戶訴本縣預借事

當職入信州界鋪寨兵則論縣道欠其衣糧都保役人又論縣道勒納預借謂如五年田方下秧米已借足又借及六年之米剥下如此所不忍聞知縣或奮由科第或出於名門豈其畧無學道愛人之心哉諒亦迫於州郡期會軍兵糧食之故訪聞預借始於近

年同此郡縣昔何為而有餘今何為而不足任牧養
拊字之責者盡於源頭上討論一番自州寬縣自縣
寬民庶幾一郡百姓漸有甦息之望今賢而明者但
有顰蹙太息謬而闇者又縱姦吏舞智其間如預借
稅色既不開其戶眼止據吏貼數秤數目抑勒都保
必欲如數催到錢物或歸官庫或歸吏手不知何所
稽改為百姓與都保者不亦苦哉今雖未能盡革亦
須以漸講求牒州帖縣各以牧養拊字為念共議所
以寬一分者所論縣吏取乞且帖各縣於被論人內
擇其尤甚謂如乾沒百姓都保錢會不以輸官者斷

刺一二以謝百姓其職多者辭赴本司施行仍榜縣市并榜鉤山

貴池縣申呂孝純訴池口五都巡催科事

天旱如此百姓飯碗未知何所取給所望州縣長官力行好事庶幾膏澤感格歲事可望而當此夏稅起催之時或委州官或委兼領巡尉下鄉或差郡吏下縣置場瓶局吏卒並緣動成群隊布滿村落民不聊生在法省限未滿不當追呼今不惟魚貫被追甚者杖責械繫暴於炎天烈日之中傷朝廷之仁厚斷國家之命脉何為而不致旱也本司除已將越職催科

官別作施行外合行下所部郡縣今後催科專委縣道如長官緩不及事則委佐官一員助之如郡官巡檢並免催科郡吏並合抽回省限未滿止宜勸諭輸納不可遽有追呼鞭撻如仍前數弊不肯更張許被害人陳訴別有施行

貴池縣高廷堅等訴本州知錄催理絹綿出給隔眼事

錄叅以治獄為職不宜使之催科如聞一郡頗以知錄催科為苦貴池縣自有令佐如其為人遲緩稍加督責孰不盡力今以縣官為不可任一切委之郡僚

使民間之謗盡歸知錄非所以安全之也滕州吏宜
詳酌區處催科之責止合歸諸縣內知縣緩不及事
者選委一佐官以助之諸吏差下縣者並宜抽回限
五日具已區處事宜申績據池州申到區處事再奉
判州官縣官皆朝廷之命吏也豈有知州官能催科
知縣官不能催科之理若謂吏攬為姦附郭知縣朝
夕在太守之前可以面諭或因民詞判下追究諒籍
一二以儆其餘自然知畏却不必專委州官引惹詞
訴知錄本當按奏以州郡之故僅帖問不可又歸咎
百姓之輕監司遂以為妄訴也滕報

饒州申備鄱陽縣申催科事

通天下使都保耆長催科豈有須用吏卒下鄉之理
若耆保有不伏差使州縣自合追斷枷項傳都號令
孰敢不畏今州縣皆曰官物不辦因不差專人之故
去年蔡提刑任內亦禁專人亦自不妨州縣催科無
政事則財用不足恐有之矣未聞無專人而財用不
足者也苗絹失限緣人戶規避和糴飛走產錢之故
今不覈板籍併產說整理失限而歸咎於不專人豈
不與近日朝旨臺諫申請背馳乎當職舊曾試邑作
郡未嘗專人亦未嘗闕事近日雖連被版曹督責終

不肯專人至饒州及徽州南康縱使州縣力能撼搖
當職不遏歸奉宮觀當職生平無意仕宦決不以浮
議輒差專人索贖帖報州縣仍牒諸司

帖樂平縣丞申乞帖巡尉追王敬仲等互訴家
財事

樂平縣官每事必欲差巡尉是一縣皆頑民皆欲差
弓手寨兵追擾之也長官倡於上佐官和於下民何
辜焉帖報只責隅保追索再十日違將縣丞閣俸
黜縣申本縣得熟即無旱傷尋具黜縣雨暘帳

呈

九十日內止有十來日得雨所謂雨者止是二
或不及分止有七月初九日雨及五分則黟縣之旱
甚矣古人謂縣令字民之官不損猶應言損今者所
申何其與古語背馳也委權通判審實申

徽州韓知郡申蠲放旱傷事

諸郡率謂旱傷不至於甚如信州虞守謂晚禾倍熟
與百姓爭較蠲放分寸如割身肉至於先移文脅制
諸村諸邑不得申旱今韓寺丞獨為徽州六邑百姓
從實蠲放於前守已放之外再放一萬六七十碩可
謂不負牧養之寄者矣安得結輩參錯分布乎脩榜

本州仍牒諸司諸州

戶案呈委官檢踏旱傷事

當職更歷州縣每見檢旱官吏所至與豪富人交通
凡所蠲放率及富強有力之家而貧民下戶鮮受其
惠又逐鄉逐里各有姦猾之人與所差官廳下吏卒
計鬻欺偽雖賢官員聰明有不能察加以民田萬頃
極目連接主家鄉老或不能指定其孰豐孰歉况見
任官素與土俗不相諳一覽之頃又何以得其實耶
不過在轎子內咸憑吏卒里胥口說遂筆之於案牘
耳僉聽將本司分得三郡十五縣各差官與各縣知

縣同契勘今年旱未截長補短通收及幾分聯御
罪保明申如饒州餘干縣今年旱禾當職訪之土人
與過往官員皆言今年通收七分之類却於三分損
內斟酌普放一番庶幾實惠及民貧富均霑免使官
司有檢放之名豪強受檢放之實貧弱反不在檢放
之列更以此意措置立武行下

安仁縣妄攤鹽錢事

吳興四父子乃制牒所不追究之人本縣憑何追擾
可見縱甲攤乙又縱乙攤丙為民父母寧忍之乎帖
具因依申

浮梁縣申余震龍等不伏充役事

豈有八都皆是頑民之理如此是忿嫉百姓也帖縣
將八都合差役戶開具鼠尾單仍勒鄉司重責罪罰申
三日

鄱陽縣申差甲首事

當職累歷郡縣所在義役詞訟絕少惟此間義役之
訟最多蓋義役乃不義之役而義冊乃不義之冊或
六文產或三文產不免於差則役首之罪反甚於鄉
書手矣帖權縣照所擬行如役首不公可將其人解
來切待懲一戒百

析門縣申許必大乞告示元必勝充隅長事

若必勝當充它人糾論可也官司定差亦可也惟以弟糾兄則不可帖縣照已判行

鉛山縣申場兵增額事

當職舊在江上見戎帥招刺新軍必經總所蓋有衣糧然後可以養兵豈有但知增額而不思衣糧何處擘劃之理都大司收刺猶可今檢踏官亦得以自刺自添原額五百今增三百縣道何以不收壞百姓何以不焦熬備牒都大司更請參攷舊制立為定額每刺一名須下本縣取會如無關額不許檢踏官員自增自刺庶幾凋縣稍可支吾